



KPDNHEP Cawangan Miri Pantau Pasaraya Dan Farmasi

MAY 5, 2020

MIRI: Menjadi rutin Kementerian Perdagangan Dalam Negeri dan Hal Ehwal Pengguna (KPDNHEP) Cawangan Miri mengadakan pemeriksaan dan penguatkuasaan di beberapa pasaraya dan kedai farmasi Pasar Besar Krokop dan Bintang Plaza serta Everise dan Farmasi.

Memetik laporan UKAS, antara yang dilakukan ialah pemeriksaan bekalan dan harga barang-barang keperluan asas, pemeriksaan alat timbang, pemeriksaan tanda harga dan pemeriksaan penjualan penutup mulut dan hidung serta 'hand sanitizer'.

Aktiviti ini bertujuan memastikan setiap pemilik pasaraya dan farmasi mengikut langkah dan peraturan yang ditetapkan kerajaan khususnya dalam tempoh Perintah Kawalan Pergerakan (PKP).

Hasil pemeriksaan didapati setiap pemilik premis mematuhi arahan yang ditetapkan seperti mempamerkan tanda harga yang jelas pada rak dan barang yang dijual, barangan keperluan asas seperti gula dan minyak

adalah mencukupi, alatan timbang masih dalam tempoh dan penjualan penutup mult dan hidung pada harga kawalan.

Dalam pada itu, setiap premis perniagaan telah menggunakan Standard Operating Prosedure (SOP) yang ditetapkan Kementerian Kesihatan Malaysia (KKM) menerusi pemeriksaan imbasan suhu badan ke atas setiap pelanggan yang memasuki premis, menggunakan penutup mulut dan hidung dan mematuhi arahan penjarakan sosial di kaunter penimbang barangan dan kaunter pembayaran.



https://tvsarawak.com/kpdnhep-cawangan-miri-pantau-pasaraya-dan-farmasi/?utm_source=rss&utm_medium=rss&utm_campaign=kpdnhep-cawangan-miri-pantau-pasaraya-dan-farmasi